


# JIJILA JIVALI



## KUSAKULA CAJILA

Hakuya kweka kwakusuku nakutacikiza jila ciku, catela hakulivanga kuvehula watu, ngwetu, Jileyi yakutwala kwimbo yili kulih? Ngoco tweji kutambuka cikoki cikoki nakutala tala mangana tuwane jila yakutwala kuze vene. Kaci tunamono, kumana, tuli nakutambuka mujila yikwavo tweji kwalumuna waxi waxi nakutonda jila yamwenemwene yaktwala kwimbo lyetu.

Hakumbi hakumbi etu tuvosenena tuli nakutambojoka hano hamavu nakupandama kwakutwama cahaya myaka yosena. Hakuheta kuze katwexi kwiza nakwalumuka cekako cipwe kumona songo yamyaka. Ove mukwetu, okwo nauya unacitacikiza tahi?

## MUKANDA WETU WAKULWEZA JILA

Kalunga atwivwilile keke nazangi yayinene kaha atuhanyine mukanda wakutulweza kanawa jila yakutwala kunganda yenyi mwilu. Mukandou uli namazu amavulu wakufuma kumukanda uze vatuhanyine kuli Kalunga. Ngwavo, Mazu ove anapu linongo kumahinji ami, anapu mumunyi mujila yami. (Samu 119:105).

## JILA YAYINENE

Kuli watu vavavulu veji kutambukako. Ngwavo, Ingililenu kucikolo cacindende,

mwomwo cikolo cinatoho, najila yinahweke, eyi yakuya kukunonga, kaha vaze veji kwingilangamo vanapu vavavulu. (Mat. 7:13). Kuli vakivo vamwe vavavulu veji kutambuka tuhu, meso pimb. Kavexi kutacikiza cipwe kuhaka kumucima yavo, ngwavo, Tuli nakutambuka mujila yakututwala kukunonga. Ngwavo, Kuyili jila mwamona mutu ngwenyi, yinasungama, oloze kukumisa cayo hijijila jakufwa. (Viximo 14:12). Ngwavo, Muli vakivo kalunga wamyaka yino nelavisa lyehi meso avixinganyeka vyavaze nazeneka kwitava, kucina kavatutukila musana wamujimbu wamwaza waupahu waKulixitu, Ikiye vene Ou alifwana henyi-henyi naKalunga. (2 Kol. 4:4).

## **VITELI**

Vaze mujileyi vali naviteli vyavilemu vyaxili. Ngwavo, Mwomwo vosena vanavulumuna, kaha vanakuminamo kuupahu waKalunga. (Loma 3:23). Katwexi kuhasa kusweka xili, cipwe yimwe kumeso aKalungako. Ngwavo, Vatu veji kutalanga kumeso, oloze Yehova eji kutalanga mumucima. (1 Sam. 16:7). **Vakasa viteli vyaxili kuvifwiji vyavaka-xili namalenga**, kaha naumwe pimb hano hamavu ali nangolo yakuvifumisako. Cuma cikwavo cakukomwesa, vakwetu, vize vitele veji kuya nakuvulisa cikuma hakumbi hakumbi, kaha, ngwavo. Fweto yaxili kufwa. (Loma 6:23).

## **KAKAHYA**

Kalunga Ikiye wakwoloka, Ikiye wajila, xikaho kuli kupayisa camilonga yaxili vene. Mazu aKalunga avuluka ngwavo, Kuli kalungakamazeze, kuze kwakuvazangamisa vaze vosena vazombojoka jiximbi jaKalunga. Mazu aKalunga ambile ngwavo, Vaka-kuhuka navakakinduluka munyima nakwingila mukalunga-kamazee swi, Vaka-mafuci vosena vaze vanavulyama Kalunga. (Samu 9:17).

Anukenu vakwetu, navavengisa muze vatu vosena vaze vavulyama Kalunga nawa, kexi kulinga ngoco kuli vaze vavapi cikuma kahako. Cipwe ngoco kuli Kalunga kuli keke mwomwo Ikiye Salikoji, Ikiye ukweci zangi yayinene vene, ngwavo, Kazanga mutu umwe kunongako, oloze ngwenyi, vosena vakahete kukwalumuka cakupihiliila. (2 Petulu 3:9). Hazangi Yenji nalikoji lyakuhambakana atungile Kalunga jila yimwe yakuvayovola vosena vaze vasaka kucina, mucano vene, kundombo Yenji haxili. Ove nawa mukwetu, unasake kuwana jileyi yakuyoya tahi?

## **JILA YAKUYOYA – MULWILO**

Mwomwo twahonene kulilwila cipwe kuwana ngolo muli etu yakumbitula malenga axili, cipwe kuliyovola kukusopesa nakupayisa cetu cakwoloka hamilonga yetu yaxili, xikaho Kalunga atuhanyine Mulwilo. Ngwavo, Mukiko vene mwavazangilile Kalunga vaka-mavu, kuvahanyina Mwanenyi umwe kaha lyämunwe, mangana ngwenyi, wose mwamwitavila akazeneke kunonga, oloze ngwenyi, atwamenga nakuyoya cahaya myaka yosena. (Yow. 3:16). Kalunga, Setu mwilu, atumine Mwanenyi, umwe kaha, ivene Mwata Yesu Kulixitu. Ikiye afumine kwilu, ejile hano hamavu nakutwama nge mutu oloze wakuzeneka xili. Ayile kwosena nakulinga vilinga vyamwenemwene. Ahindwile vaka-kuviza, atomexeke vaka-mbumba, alovokele vandemone, avakonekele vaze vaphihile milonga yavo yaxili nakuvalweza vatu vyuma vyaKalunga.

Oloze milimo yenji yakulitulaho yasolokele omu atufwilile hakulusu. Yesu etavile kweca mwono wenyi wauKalunga, wakuzeneka xili, nakuhicisa manyingenyi waulemu nakupwa mukwacika wetu. Etavile nawa vamukwate kuli vakaxili vavapi nakumuveta vikote cikumakuma palanga nomu vapulijikile mujimba wenyi, kaha vamuvwikile mucama wamingonga kumutwe, kaha hakukuminyina vamusukikile kukulusu najimbambo kumavoko nakumahinjenyi. Ewile kola cikumakuma hali etu, ngwavo, Milonga yayetu yaxili lvene ayimbacile mumujimba wenyi kucitondo. (1 Pet.

2:24). Atufwilile, nove nayami vakwetu.

## **KUSANGUKA CENYI**

Hakuhita makumbi atatu Yesu asangukile ceka kuvafu nakufuma kucimbumbecenyi. Ayile ceka kutumbaji twenyi nakulikata navo, kaha hakuhita makumi awana amakumbi, akandukile ceka kwilu nakutwama kuliwoko lyacimoswe lyaKalunga, Mulwilo wakuyoya wetu, ukweci ngolo josena neji jamwilo neji jahamavu. (Mat. 28:18). Ngwavo, Xikaho ava navapandama kuli Kalunga hali Ikiye nahase nawa kuvalwila palanga nakusongo, mwomwo ayoya nahaya myaka yosena mangana avahakwilenga, xikaho. (Heb. 7:25).

## **MWILU**

Mwilu nupu nganda yaKalunga. Muze Atwama naupahu wenyi wosena. Mwata Yesu ambile ngwenyi. Nanguya nakumilongesela cihela cenu. Kahomu nanguya nakumilongesela cihela cenu, hinangwiza ceka nakumitambula, mwize kuli Ami lyavene, mangana kuze ngwatwami nayenu nawa mukatwamengako. (Yow. 14:2,3). Yinapu nganda yajila yakuzeneka xili, yakuambakana kuwaha, ngwavo, Mwahunda masoji osena kumeso avo. Kufwa kacexi kukapwako cekako, kaha nawa kakwexi kukapwa ceka kulixonako, cipwe miteto, cipwe kukola, mwomwo vyuma vyakulivanga vinafumuko lyehi, xikaho. Kakwexi kukapwa ceka ufukuko ... Mwomwo Yehova Kalunga mwakavamunyikilanga. (Kusoloka 21:4; 22:5). Ngwavo, Kamwexi kukengila cuma cacipi cipwe cimweko, cipwe muka-kulinga mwakwivwisa unyengwe, cipwe muka-kwongako, oloze xina vaze kaha vasoneka lyehi hamukanda waMwanamukoko wakuyoya. (Kusoloka 21:27).

Kuli jila yimwe kaha kuze, Mwata Yesu avulukile ngwenyi, Ami yami Jila, yami Mucano, yami Kuyoya. **Mutu naumwe pimbi mweza kuli Tata kuvanga hali ami kaha.** (Yow. 14:6). Ngwavo, **kaha ulwilo kawexi muli weka naumweko,** kaha nawa hano hamavu **kehaxi lijina lyeka** vanahane muli watu vatulwile nalyoko. (Vilinga 4:12).

## **TUNAHASE KWINGILA MUJILA YAKUTWALA KWILU NGACILIHU ?**

**1. Ngwavo, pihililenu nakwalumuka, mwitavilenga mujimbu wamwaza.** (Mako 1:15). Kupihilila cinapu cakuseza milonga yaxili nakutonda Kalunga namucima wosena.

**2. Twayenu kuli Mwata Yesu Kulixitu** nakulomba omu upwa ove. Twayenu nacitele cove caxili nawa. Ikiye alixikile ngwenyi, Kahou mweza kuli Ami kamwexi kumuhangako. (Yow. 6:37). Ngwavo, Twayenu kuli Ami enu muvosena muli nakukilikita nakumbata vyavilemu, kahAmi nanguminokesa. (Mat. 11:28).

**3. Fwelelenu muli Kulixitu, Ikiye kaha Mulwilo wove.** Ngwavo, Manyinga aYesu Kulixitu Mwanenyi nawatutomesa kuxili yosena. (1 Yow. 1:7).

**4. Ikiye Mwakuhana kuyoya Caciha ... Kuyoya cahaya Myaka Yosena.** Kulixitu ambile ngwenyi, Ou mwevwa mazu ami nakumwitava Uze angutumine **ali nakuyoya cahaya myaka yosena,** kaha kexi kukaheta kwakumupayisako, oloze **nafumu lyehi mukufwa, nengila lyehi mukuyoya.** (Yow. 5:24). Xikaho kaci nge mutu ali muli Kulixitu, kuli kutenga caciha, vyuma vize vyamwaka vinahici lyehi, tala, kuneza lyehi vyavihya jino. (2 Kol 5:17).

**5. Nauwana kuunda nakeke mumucima wove.** Ngwavo, Ngoco mwomwo vanatuvulukila lyehi kwoloka hakufwelela, xikaho kuli etu naKalunga kuli keke muli Mwata Yesu Kulixitu. (Loma 5:1). Ngwavo, Kahou ukiko vene unjiho kana ngwenyi, Kalunga atuhana lyehi kuyoya cahaya myaka yosena, kaha ngwenyi, kuyoya kana cili muli Mwanenyi. Ou ali naMwanaKalunga **kuyoya kana ali lyehi naco.** Ou azeneka MwanaKalunga **kuyoya kana kexi nacoko.** Vyumevi ngunavisoneka kuli

enu mangana ngwami, mutacikize ngwenu, **tuli nakuyoya cahaya myaka Yosena, kuli enu vene Mwetava Iyehi kulijina Lyamwanakalunga.** (1 Yow. 5:11-13).

**VAKWEXI KUYOYA CACIHYA VATWAMA NAKUKULA NGACILIHU ?**

1. Veji kutanga hakumbi hakumbi mumukanda waKalunga. Mukandawa kawexi linongo lyakumunyikanga jila yetu kahako, oloze unapu cakulya camyono yetu nawa. Ngwavo, Lingenu nge muvakemba mukusemuka, fwilenu cikuma mavele axipilitu akuzeneka makuli, mangana mukakule nawo. (1 Petulu 2:2). Lombenunga Kalunga akukafwe nakukunangula naXipilitu Wajila yenyi omu uli nakutanga.

2. Veji kupanda hakamwihi kuli Kalunga hakulomba mulijina IyaYesu hakumbi hakumbi. Ngwavo, Kanda mukalizakaminanga cuma nacimweko, oloze muvyuma vyosena mulwezenunga Kalunga evi munasake, nakulomba nakulembela nakusakwilila. Kaha kuunda caKalunga, cikiko cahambakana kunangakana cosena, nacilamanga micima yenu navixinganyeka vyenu muli Kulixitu Yesu. (Fwilipi 4:6,7).

3. Veji kuvalweza vakwavo vyuma vyaYesu Kulixitu, ngwavo, Yakonga kuzuvo yove kuli vakwenu, ukavambulilenga vyuma vyavinene vipwaha nakulingila Mwata, nomu nakutetela. (Mako 5:19).

4. Hakumona kweseka veji kumwihula Mwata avakafwe. Ngwavo, Mwomwo ayanjile lvene hakumweseka, nahase kuvakafwangako ava vali nakumona yakuveseka. (Hep. 2:18).

5. Kaci vavulumwine veji kwitavanga waxi waxi kuli Kalunga nakuwana kukonekela camilonga yavo yaxili. Ngwavo, Kaci nge natwitavila milonga yetu yaxili, kaha Ikiye napu. Kavita-kamwambalimwe, apwa wakwoloka mangana atukonekele milonga yetu yaxili, atutomele kukuhenga cosena. (1 Yow. 1:9).

6. Vesekele kulikata navaka-kwitava vakwavo kakavulu, ngwavo, Elu lukiko luximbi lwami ngwami, Lizangenunga navakwenu, nganomu ngunamizangilenu. (Yow. 15:12).

7. Veji kwononokanga mazu aKalunga makumbi osena, ngwavo, Kaci nge mutu anguzanga, mwalamanga mazu ami – mazu aMwata Yesu Kulixitu. (Yow. 14:23).

8. Kaveji kwivwanga womako, mwomwo vetavile ngwavo, Kulixitu ali netu, xikaho. Ngwavo, Mwomwo lvene nambe ngwenyi, Kangwexi kwiza kukakumbilako, kangwexi kwiza kukakusezako. (Hep. 13:5).

9. Veji kumuvuluka Yesu, ngwavo, Ikiya Mwata, nakulinganga mwaya mucima wenyi makumbi osena. Ngoco veji kuwananga kuwaha nakuwahilila camucano vene mumucima yavo.

**Mwata Yesu Ikiye Mulwilo, uka Wenyi, kaha Ikiye mulwilo Wakukupuka Mwosena. Muli Ikiye kawexi kwiza nakuhona cuma cimweko.**

---

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

**E-MAIL: [info@angp.co.za](mailto:info@angp.co.za)**

**ALL NATIONS GOSPEL PUBLISHERS**

**P.O. Box 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)